

鍼灸經穴圖攷

章炳麟



鍼灸經穴圖考卷之八

長安黃維翰竹齋甫纂述

渭南郭咸益謙齋甫

同校

寧縣曹 鉅鴻德甫

衝脈經穴

「素骨空論」衝脈者起於氣街。

「難經」「甲乙」作氣衝

並少陰之經。

「甲乙註」難經作陽明之經

俠齊上行至胸中而散

「王註」氣街者穴名也在毛際兩傍鼠鼯上同身寸之一寸也言衝脈起於氣街者亦從少腹之內與任脈並行而

至於是乃循腹也鍼經曰衝脈者十二經之海與少陰之絡起於腎下出於氣街又曰衝脈任脈者皆起於胞中上循脊裏為經絡之海其浮而外者循腹各行會於咽喉而絡唇口血氣盛則皮膚熱血獨盛則滲灌皮膚生毫毛由此言之則任脈衝脈從少腹之內上行至中極之下氣街之內明矣「類經」起言外脈之所起非發源之謂也氣街即氣衝足陽明經穴在毛際兩

傍衝脈起於氣街並足少陰之經會於橫骨大赫等十一穴俠臍上行至胸中而散此言衝脈之前行者也然少陰之脈上股內後廉貫脊屬腎衝脈亦入脊內為伏衝之脈然則衝脈之後行者當亦並少陰無疑也

衝脈為病逆氣裏急

〔難經〕作氣逆而裏急○〔類經〕衝脈俠臍上行至於胸中故其氣不順則隔塞逆氣血不和

則胸腹裏急也

〔靈逆順肥瘦篇〕夫衝脈者五藏六府之海也五藏六府皆稟

焉其上者出於頄顙

頄顙者鼻之內竅上通天氣者也

滲諸陽灌諸精

精〔甲乙〕作陰

其下

者注少陰之大絡出於氣街

〔甲乙〕作氣衝

循陰股內廉入臍中

〔甲乙〕入上有斜字

伏行跗骨內

〔甲乙〕作髀

下至內踝之後屬而別其下者並於少陰

之經滲三陰其前者伏行出跗屬

〔甲乙〕作屬跗

下循跗入大指間滲

諸絡而溫肌肉故別絡結則跗上不動不動則厥厥則寒矣

〔馬註〕

衝脈者起於足陽明胃經之氣衝穴爲五藏六府之海而藏府之氣皆稟焉其上則出於頰頰滲諸陽經以灌諸經之精下注於少陰腎經之大絡曰大鍾者以出於氣衝又循陰踝之內廉以入於臍中伏行斷骨之內下至內踝之後凡所屬之別於下者並由少陰之經滲其脾胃肝之三經此則在後廉者然也其在前者伏行出於足面之跗上屬於下之湧泉入循跗以入大指間滲諸絡而溫肌肉故別絡有邪相結則跗上之脈不動不動則氣厥逆而足冷

「靈動膺篇」衝脈者十二經之海也與少陰之大絡「甲乙」無大字起於

腎下出於氣衝循陰股內廉邪入臍中循脛骨內廉脛「甲乙」作脛並

少陰之經下入內踝之後入足下足下之上「甲乙」無入字其別者邪入踝下

「甲乙」有內字出屬跗上入大指之間注諸絡以溫足脛脛「甲乙」作跗此脈之

常動者也邪「甲乙」作斜

「靈五音五味篇」衝脈任脈皆起於胞中上循背裏「甲乙」作脊裏爲經

絡之海、其浮而外者循腹右上行、會於咽喉、別而絡脣口。血氣盛則充膚熱肉、血獨盛則澹滲皮膚生毫毛。今婦人之生、有餘於氣、不足於血、以其數脫血也。

〔甲乙〕作以其月水下數脫血任衝並傷故也

衝任之脈不榮

口脣、故鬚不生焉。宦者去其宗筋、傷其衝脈、血寫不復、皮膚

內結、脣口不榮、故鬚不生。

〔甲乙〕作故無髭鬚

其有天宦者、未嘗被傷、不脫

於血、然其鬚不生、此天之所不足也、其任衝不盛、宗筋不成、有氣無血、脣口不榮、故鬚不生。

〔靈海論〕衝脈者爲十二經之海、其輸上在於大杼、下出於巨

虛之上下廉。

大杼屬足太陽經、巨虛上下廉屬足陽明經、此言衝脈外通於天氣而內通於經水也

血海有餘、則常想其

身大、怫然不知其所病。血海不足亦常想其身小、狹然不知其

所病、

〔張註〕吳氏曰衝脈起於胞中上循背脊爲經脈之海其浮而外者循腹右上行至胸中而散於皮膚之間是衝脈之血充實於周身故有餘則覺其身大不足則覺其身小

怫然狹然不知

其爲何病也

〔素陰陽離合論〕聖人南面而立前曰廣明後曰太衝

〔王註〕廣大也人身

中心藏在南故謂前曰廣明衝脈在北故謂後曰太衝然

太衝者腎脈與衝脈合而盛大故曰太衝是以下文云

太衝之地名曰少陰

此正

明兩脈合而

爲表裏也

其衝在下名曰太陰

衝脈在脾之下故言其衝在下也

〔素舉痛論〕寒氣客於衝脈衝脈起於關元隨腹直上寒氣客

則脈不通脈不通則氣因之故喘動應手矣

〔素痿論〕陽明者五歲六府之海主潤宗筋宗筋主束骨而利

機關也。

「類經」陽明胃脈也主納水穀化氣血以資養表裏故為五藏六府之海而下潤宗筋宗筋者前陰所聚之筋也為諸筋之會凡腰脊谿谷之筋皆屬於此故主束

骨而利機關也

衝脈者經脈之海也主滲灌谿谷與陽明合於宗筋。

經脈之海

者衝脈為十二經之血海也故主滲灌谿谷衝脈起於氣街並少陰之經夾臍上行陽明脈亦夾臍旁去中行二寸下行故皆會於宗筋

陰陽總宗筋之會

會於氣街而陽明為之長皆屬於帶脈而絡於督脈。

宗筋聚於前陰前陰者足之三

陰陽明少陽及衝任督蹻九脈之所會也九者之中則陽明為五藏六府之海衝為經脈之海此一陰一陽總乎其間故曰陰陽總宗筋之會也會於氣街者氣街為陽明之正脈故陽明獨

為之長帶脈者起於季脅圍身一周督脈者起於會陰分三岐為任衝而上行腹背故諸經者皆聯屬於帶脈支絡於督脈也

故陽明虛則宗筋縱

帶脈不引故足痿不用也。

陽明虛則血氣少不能潤養宗筋故至弛縱宗筋縱則帶脈不能收引故足痿不為用此所以當治陽明也

「素氣府論」衝脈所發者二十二穴俠鳩尾外各半寸至齊寸

一。王註謂幽門通谷陰都石關商曲育僉六穴左右則十二穴也

俠齊下傍各五分至橫骨寸一腹脈

法也。

謂中注髓府胞門陰關下極五穴左右則十穴也

衝脈十三穴

左右二十二穴中二穴

會陰

〔甲乙〕在大便前小便後兩陰之間任脈別絡俠督脈衝脈之會

橫骨

〔甲乙〕在大赫下一寸衝脈足少陰之會

大赫

〔甲乙〕在氣穴下一寸衝脈足少陰之會

氣穴

〔甲乙〕在四滿下一寸衝脈足少陰之會

四滿

〔甲乙〕在中注下一寸衝脈足少陰之會

陰交

〔甲乙〕在臍下一寸任脈氣衝之會

中注

〔甲乙〕在盲俞下五分衝脈足少陰之會

盲俞

〔甲乙〕在商曲下一寸直臍傍五分衝脈足少陰之會

商曲

〔甲乙〕在石關下一寸衝脈足少陰之會

石關

〔甲乙〕在陰都下一寸衝脈足少陰之會

陰都

〔甲乙〕在通谷下一寸衝脈足少陰之會

通谷

〔甲乙〕在幽門上一寸陷者中衝脈足少陰之會

幽門

〔甲乙〕在巨闕兩傍各五分陷者中衝脈足少陰之會

〔八脈考〕衝爲經脈之海又曰血海其脈與任脈皆起於少腹之內胞中浮而外者起於氣街並足陽明少陰二經之間循腹上行至橫骨俠臍左右各五分行歷大赫氣穴四滿中注育俞商曲石關陰都通谷幽門至胸中散凡二十四穴○按此節有氣街二穴少會陰陰交二穴

帶脈經穴

「難經」帶脈者起於季脇

「脈經」作季肋「甲乙」帶脈在季脅下一寸八分

迴身一周

「奇經考」楊氏曰帶

脈總束諸脈使不妄行如人束帶而前垂故名婦人惡露隨帶脈而下故謂之帶下

帶之爲病腹滿腰溶溶若坐水中

溶溶緩慢貌明堂帶脈二穴主腰腹縱溶溶如囊水之狀婦人少腹痛裏急後重瘕瘕月事不調赤白帶下可鍼六分灸七壯

「靈經別篇」足少陰之正至臍中別走太陽而合上至腎當十

四額出屬帶脈

「素痿論」陽明衝脈皆屬於帶脈而絡於督脈故陽明虛則宗

筋縱帶脈不引故足痿不用也

「王註」引謂牽引

帶脈三穴

左右六穴

帶脈

「甲乙」在季脅下一寸八寸「素氣」府論王註「足少陽帶脈」二經之會

五樞

〔甲乙〕在帶脈下三寸一曰在水道傍一寸五分〔素氣府論王註〕足少陽帶脈二經之會

維道

〔甲乙〕在章門下五寸三分足少陽帶脈之會

〔八脈考〕帶脈者起於季脅足厥陰之章門穴同足少陽循帶脈穴圍身一周如束帶然又與足少陽會於五樞維道凡八穴

蹻脈經穴

〔靈脈度篇〕蹻脈

〔難經〕作人兩足蹻脈

從足至目七尺五寸二七一丈四

尺二五一尺合一丈五尺

蹻有五音蹻皎喬脚及極虐切○徐靈胎曰蹻脈有陰陽之分陰蹻為少陰之別陽蹻為太陽之別靈脈度篇

論蹻脈起止專指陰蹻言而不及陽蹻則其長短之數乃陰蹻之數也故帝問蹻脈有陰陽何脈當其數岐伯答曰男子數其陽女子數其陰蓋陽蹻與陰蹻雖有內外表裏之殊其長短大約相等也 蹻脈安起安止何氣榮水 〔中乙〕作何氣榮也○尙御公曰蹻脈主榮運腎藏之精水於脈中而為血者也舉足行高曰蹻蓋

取其從下行上之義

曰蹻脈者少陰之別起於然谷之後

谷〔甲乙〕作骨○〔類經〕少陰之別足少陰腎經之別絡

也然骨之後照海也足少陰穴即陰蹻之所生

上內踝之上直上循陰股入陰上循胸裏入缺

盆上出人迎之前

出「甲乙」作循

入頰

「甲乙」作上入顙

屬目內眥合於太陽陽

蹻而上行氣并相還則為濡目氣不榮則目不合

「類經」蹻脈自內踝直上陰股入陰

循胸裏者皆並足少陰而上行也然足少陰之直者循喉嚨而挾舌本此則入缺盆上出人迎之前入頰屬目內眥以合於足太陽之陽蹻是蹻脈有陰陽之異也陰蹻陽蹻之氣并行迴還而濡潤於目若蹻氣不榮則目小能合故寒熱病篇曰陰蹻陽蹻陰陽相交陽入陰出陽交於目銳眥陽氣盛則瞑目陰氣盛則瞑目此所以目之瞑與不瞑皆蹻脈為主也

蹻

脈有陰陽何脈當其數曰男子數其陽女子數其陰當數者為

經不當數者為絡也

「張註」陰蹻之脈從足上行應地氣之上升故女子數其陰陰蹻屬目內眥合陽蹻而上行是陽蹻受陰蹻之氣復從髮際而

下行至足應天氣之下降故男子數其陽尚御公曰陰蹻乃足少陰之別陽蹻乃足太陽之別男子之宗榮注於太陽之陽蹻女子之宗榮注於少陰之陰蹻氣之所注者故為大經隧氣不

榮者為

絡脈也

「難經」陽蹻脈者起於跟中循外踝

外踝下申脈穴

上行入風池

風池在耳後寸半屬

膽經

陰蹻脈者亦起於跟中循內踝

內踝下照海穴

上行至咽喉

「甲乙」作入喉嚨

交

貫衝脈

衝脈亦至咽喉也

陰蹻為病陽緩而陰急

「脈經註」陰蹻在內踝病即脈急當從內踝以上急外踝以上緩

陽蹻為病陰緩而陽急

陽蹻在外踝病即其脈急當從外踝以上急內踝以上緩

「靈寒熱病篇」足太陽有通項入於腦者正屬目本名曰眼系

頭目苦痛取之在項中兩筋間入腦乃別陰蹻陽蹻陰陽相交

陽入陰陰出陽交於目銳眥陽氣盛則瞋目陰氣盛則瞑目

「張註」

此言足太陽之氣貫

通於陽蹻陰蹻也

「靈大惑篇」病而不得臥者何氣使然曰衛氣不得入於陰常

留於陽、留於陽則陽氣滿、陽氣滿則陽蹻盛、不得入於陰則陰

氣虛、故目不瞑矣。

「類經」衛氣晝行於陽、夜行於陰、行陽則寤、行陰則寐、此其常也。若病而失常、則或留於陰、或留於陽、留則陰陽有所偏勝、有偏盛

則有偏虛而寤寐亦失常矣。

病目而不得視者、何氣使然、曰衛氣留於陰、不得行

於陽、留於陰則陰氣盛、陰氣盛則陰蹻滿、不得入於陽則陽氣虛、故目閉也。

「靈熱病篇」目中赤痛、從內眥始、取之陰蹻。

「張註」足太陽之脈起於目內眥、與陰蹻陽蹻會於

睛明、故當取之陰蹻、以清陽熱。

癰取之陰蹻、及三毛上、及血絡出血。

「素繆刺論」邪客於足陽蹻之脈、令人目痛、從內眥始、刺外踝

之下半寸所、各二疳、左刺右、右刺左、如行十里頃而已。

「王註」謂申脈、陽蹻

之所生也

陽蹻脈十二穴

左右二
十四穴

申脈

〔甲乙〕陽蹻所生也在足外踝下陷者中容爪甲許○屬足太陽經

僕參

〔素刺腰痛論王註〕在跟骨下陷者中足太陽陽蹻二脈之會

附陽

〔甲乙〕陽蹻之郛在足外踝上三寸太陽前少陽後筋骨間○屬足太陽經

居膠

〔甲乙〕在章門下八寸三分監骨上陷者中陽蹻足少陽之會

臑俞

〔甲乙〕在肩臑後大骨下胛上廉陷者中手太陽陽維蹻脈之會

巨骨

〔甲乙〕在肩端上行兩叉骨間陷者中手陽明蹻脈之會

肩髃

〔甲乙〕在肩端兩骨間手陽明蹻脈之會

地倉

「甲乙」俠口傍四分如近下是蹻脈手足陽明之會

巨髎

「甲乙」在俠鼻孔傍八分直瞳子蹻脈足陽明之會

承泣

「甲乙」在目下七分直瞳子陽蹻任脈足陽明之會

睛明

「素氣府註王論」在目內眦手足太陽足陽明陰蹻陽蹻五脈之會

風池

「難經」陽蹻脈上行入風池「甲乙」風池在顙顙後髮際陷者中

「八脈考」陽蹻者足太陽之別脈其脈起於跟中出於外踝下足太陽申脈穴當踝後遠跟以僕參爲本上外踝上三寸以附陽爲鄰直上循股外廉循脅後胛上會手太陽陽維於臑俞上行肩髃外廉會手陽明於巨骨會手陽明少陽於肩髃上人迎夾口吻會手足陽明任脈於地倉同足陽明上而行巨髎復會任脈於承泣至目內眦與手足太陽足陽明陰蹻五脈會於睛明穴從睛明上行入髮際下耳後入風池而終凡二十二穴○按此節是遺居髻穴

陰蹻脈三穴

左右六穴

照海

〔甲乙〕陰踇脈所生在足內踝下一寸○屬足少陰經

交信

〔甲乙〕在足內踝上一寸少陰前太陰後筋骨間陰踇之鄰○屬足少陰經

睛明

詳上

〔八脈考〕陰踇者足少陰之別脈其脈起於跟中足少陰然谷穴之後同足少陰循內踝下照海穴上內踝之上二寸以交信為鄰直上循陰股入陰上循胸裏入缺盆上出人迎之前至咽嚨交貫衝脈入頰內廉上行屬目內眥與手足太陽足陽明陽踇五脈會於睛明而上行凡八穴○按此節是多然谷二穴

維脈經穴

〔難經〕陽維陰維者維絡於身溢畜不能環流漑灌諸經者也

故陽維起於諸陽會也

張飛疇曰諸陽皆會於頭

陰維起於諸陰交也

諸陰皆交於胸

然

陽維維於陽

徐靈胎曰陽陽經身之表也

陰維維於陰

陰陰經身之裏也

陰陽不能自相維